

卷壹

廣東連山縣志

民國十七年  
番禺凌錫華  
署纂

地  
33291  
42



職官建置典禮  
目錄

北區善後委員王應榆肖像




連山縣長凌錫華肖像



連山縣全圖

連山口

陽山口



省

南

湖

江華縣屬

廣

賀縣屬

西

懷集縣屬

石角

山口

鹿鳴閣

二十四小排

大掌排

火燒排

排

山

吳高排

馬營排

重慶排

村

七星

高

馮屋

覃屋鄉

石田

治平

村

福泰

村

江

大

村

首

村

馬鹿

村

上

村

助

村

村

福堂

村

村

蓋分司

村

楓

大旭山

梅崗

村

村

村

村

村

村

村

村

村

村

村

牛角灣

村

村

村

村

村

村

村

村

村

村

村

村

村

村

村

村

村

村

村

村

村

村

村

村

村

村

村

村

村

村

村

村

村

村

村

村

村

村

村

村

村

村

村

村

村

村

村

村

村

村

村


村

村


村

村

連山縣城圖




連山縣公署圖



# 連陽八排徭全圖

凡例 縣城回 汛防◎ 大排○ 小排○ 村墟□ 山水



## 發起修刊連山縣志致各委員書

公啓者國有史而政治得以播傳邑有志而後人得受觀感是邑志之于文化關係弗可簡畧者也粵中州縣對於縣志多有付梓珍藏連山竟爾缺如誠爲憾事錫華承乏是邦履新之初卽詢知其稿尙賴保存惟歷百數十年不能承刊未免代邑人有所歉愧遂決計發起囑托 彭教育局長徽朝卽日籌商限兩個月刷就成帙惟是近年政績治亂民生風俗一切事項亟須畧事編輯增加紀載應行函請員紳共同担負義務茲特請任 彭君徽朝虞君沛之黃君春波鄧君懋宣韋君子煒爲增纂兼發刊連山縣志委員務希悉心妥爲籌劃限日告成庶斯文之不朽實深厚望此致

彭委員徽朝

虞委員澤潤

黃委員先芹

鄧委員懋宣

韋委員子煒

縣長凌錫華

民國十七年十月十七日

## 刊連山縣誌書啟

竊莫爲之先雖美弗彰莫爲之後雖盛弗傳韓公退之言之詳矣凡物如此況在誌乘其有關於千百年治亂興衰十數種沿革損益更非小數可比而顧可漠然視之乎連山雖蕞爾彈丸地居邊嶠而隸籍中夏無以異也本縣長檐帷甫駐卽取縣誌一覽以廣輜軒之採而備痛苦之陳詎僅得何前縣一鸞任內編輯抄本六册屢易寒暑不付剗削誠憾事也查縣治每次開會曾經多數提議未獲一日觀成此無他十餘年來旣兵燹之

叠乘復饑饉之薦至以著名貧瘠區域值人禍天災流行鞭長莫及本無足怪今者南北統一訓政惟殷對於民國州縣誌乘一門尤爲訓政之必要若不速付梨棗不特無以對疇昔之名宦鄉賢抑且無以取將來之傳疑傳信本縣長不爲政聲計專爲邑乘計用特委令虞君沛之彭君鶴卿鄧君日三黃君春波韋君星齋等取成書而再加校訂採後事而秉筆直書先捐廉俸式拾員並撥公款壹百元以爲先路之導一面函請邑人士之家可小康者最低度各捐部價銀陸員本縣長雖不敢爲先事之師而竊欲付後塵之步以前無負韓退之之訓後不愧孟賓于清雄奔放之篇邦人君子尙共勉旃

縣長凌錫華

中華民國十七年十月 日

### 捐廉提倡修刊連山縣志呈文

呈爲呈報捐廉提倡刊刷縣志事竊維國以史而傳政治邑以志而紀遺風一切歷史文化沿革疆域形勢關係至爲重要自不宜偏廢者也錫華受命之初因搜求典籍以參考治理始知縣志百十年來並未付梓所幸該稿得賴保存編訂尙易乃先自捐廉提倡職員邑紳相率贊助不一時而計已決畧爲修纂即日發刊限日可成帙一俟該書裝釘完竣當卽呈送鈞府及圖書館備存謹呈  
廣東省政府

連山縣縣長凌錫華

舊序

蓋自唐虞夏商周之有天下以來漢唐宋元歷代相繼管東邠西之方越南冀北之俗中外雖異蠻貊不同莫不皆有典籍以載之迄今我朝列聖相承統治寰宇故天下之大四海之廣一郡一邑沿革本末之由山川人物之類亦莫不皆有圖誌以記之也且連山邑治屢沿革復設復遷歷原所自未免云多殊不知因時制宜隨事應變古今帝王保民圖治之心同一揆轍奈何本邑圖誌曾有修之而未成抑或成之而遂廢寥寥無聞非一朝夕矣茲適聖天子嗣登大寶之初新政宏敷之日明良相遇信不偶然幸有欽命巡按兩廣監察御史朱公執事分憂食祿同寅協恭意其圖志該爲當務之急舉行修輯甚盛心哉竊惟文獻可相有不可相無文獻足事有可徵文獻不足則事無可驗墜者宜舉廢者宜興然皆本始於千百年之前未終於千百年之後欲斷而爲能者未易况後學乎是以求諸遺稿質諸其舊無稽勿聽弗詢勿庸取其正而舍去其邪更於今而不泥於古繁亂者刪之缺畧者補之專主朱子之意私淑諸家之長考訂其沿革本末之由品錄其山川人物之類雖綱未盡舉而目未盡張微未盡顯而幽未盡闡草創成帙庶便少覽是亦治功之一助然其事理無窮識見有限後之同志討論修飾又從而潤色之則皇明千萬無疆之不基休業被於海隅蒼生者益彰矣哉明宏治元年創修連山縣志辛貴撰

舊序

邑之有志猶國之有史也班馬諸君子成一家言號爲博雅矣獨讓腐遷者何居說者謂十表十二本記八書三十世家稍近筆削嚴法也後子長而起者心怵於利害則無史意出於愛憎又無史好文字送歸地下惡文字送歸林下更無史唐臣不敢書六月四日之事崔浩刊列國惡於孔道之石則愈無史邑之有志雖一隅之風氣非虛心博採公道輯編則志之爲志不猶然范曄諸輩之史乎連邑值滄桑之餘百物凋殘簡篇遺蹟再付秦火胥爲烏有先生近奉各上臺檄查志書蓋古者大史氏觀風意也昌承命購求百方搜採歷兩閱月竟如孔壁蝌蚪無一人一家藏之者及再四訪求始得刊本半前署篆南海承陳公瑤修也後得抄本一不知何人所志竊喜蠹餘朽畫雖出荒煙蔓草中而山川封域戶口貢賦壇壝廟著風俗人物猶可從暗夜中獲微炬而燭之也幸矣獨當日陳公瑤修之後後值明末鼎沸不無廢墜遺失之慮復詢之故老質以公論附爲續志分目各條以表揚我朝廓清之烈幅幘之廣眞隻古無兩哉後吏茲土者按志而考焉封疆若何而奠之戶口若何而實之風俗若何而正之人物

若何而養之營壘若何而因革之猛獍若何而撫御之昔之官尉某也賢若何而傲之某也否若何而戒之景前哲垂來茲連人其有鳩乎嗟嗟昌自分謫質承乏茲地念切哀鴻病同害馬又何能表章一一爲斯邑重竊惟邑之有志猶國之有史是以忘厥固陋綜輯舊聞亦志其志云爾不敢望班馬妄擬子長也嗚呼若夫筆削嚴法願以俟後之君子豈順治十三年續修連山縣志王祚昌撰

舊序

今上御極十四年季冬藩院不以瑞不敏命令是邑至則數版空城幾點尖山恍坐荒煙蕪草中一日幾不聞人聲求菜根咬之不可得他人撫此未免有枯寂之感余生平好閒且私幸而喜因憲符購邑志亟求之古本悉墜水火劫塵得前王君所修善本讀之中間詳畧不一迺不自揣迂疎以見聞數事補其闕亦以其決不可闕也非敢妄筆札也因嘆世人稍習之乎者也偶有撮弄不欲鼎峙春秋便欲雁行遷固此豈矮子觀場直是遽繇而匹於姬姜也又往往薄范曄爲不足爲不知文章關乎運會曄之才足以傳聞異代使立明盛之朝其手筆非今人所敢背項第其處心積慮不能無玷清流若以著作盡無當於史也不令胡盧地下乎不佞才疎見陋不過以今之人爲今之志以免詈於今之世則幸矣倘以數句陳言便成千秋信史不經之甚者也斷斷不敢冒順治十四年續修連山縣志  
鹿應瑞撰

舊序

連城如斗連民如晨星先是寇賊盤踞或兵於兵或火於火子遺鴿面盼之怛如也憶予辛巳之秋夢憇小亭其榜聯云層層山色遠去去水聲悠調選得連山猶未之解歷千壑萬峰而至止始信予之尹此神告之哉使柳州同時殆將以連易播矣今承乏茲土寒暑蓋已兩度度未能春隴雉馴秋郊嶼散度未能虎負北渡犬臥花陰度未能使泮藻臚五色之雲圓扉茂三尺之草連安藉予爲予又安用此連爲便擬賦遂初願念束髮受書重以家訓雅欲隨遇單心以毋替世德則又安敢薄此天末彈丸民猺雜處遂謂非人所居哉閒嘗單騎巡歷諸峒因得問其山川之險阻阨塞問風俗之淳若漓也何如疇昔問鄙屋之欲訴而無從者疾苦若何其樸而鍾者幾何家彥而秀者何等矣問長吏以下若尉若巡若首蓓齋頭其賢而碑於口者多乎否問惟正之供追呼不驚雞犬得毋有如永州之野起視其缶而弛然臥之者乎問生齒之版有如元年以三十乘渡河而次年三百乘者問博碩肥脂告民力之普存者何道之遵也凡此者蓋已夙夜黽勉祈藉手以告無罪將毋有志而未逮焉然王父先太保由弱冠著

進士歷拜大司農四十餘年在在德政如賑饑穿渠練兵平賊以真經術爲大經濟小子振熹雖家聲弗競而惠民之意莫之敢忘加以王大父先方嶽本生王大父先大中丞之垂誠爲政之要鑠諸心版能不祗祗威威也第山城十室土瘠薄而民不知法又山獠野獠逼處爲患此地號爲嶺表異僻奇荒非若昌黎之於陽山猶可以德化文教漸被之也亦非云綱舉目張庶可報政故樂紀其盛聊取前代之遺與近今之或存或亡者詳考而釐定之抑亦法戒者之龜鑑也爰從通邑紳衿之請重爲修纂封域廣袤山谿環固然後可建立城社故首志輿地版章繡錯而後煙火萬家故次戶口田租以給軍國王者仰食於民故次以貢賦衣租食稅必享祀以達精禋故次以祀典神道不可以設教臨民者出政務以勵風俗故次以秩官列官分職而胥吏之屬因之上者詔祿下亦可以代耕故次以經費人才蔚興以彰山川之秀邑之瑞也故次科目若夫文章爾雅昭雲漢而聲金石一代之炳蔚也爰以藝文終焉若此者無非采輯前書以爲邑乘其間掛漏尙多紀載無當知復不少踵而增華以俟後之君子覽是志者可見鷓鴣之棲等於枳棘道周之李苦甚勞薪良可慨哉志成而述之以爲序時在順治十八年曹振熹撰

### 舊序

今天子御極十有一年德教沛然無遠弗屆弘開門之典而收羣策羣力之功海內晏如風成含鼓時大中丞劉公撫粵奉命檄修輿志嶺表郡縣爭副採風之意余旣承乏連邑不敢以末學辭而遽引爲已任又難自信顧念百里攸寄忝在親民顛顛守此疆域於山川之形勝戶口之繁簡未嘗過問於徵輸之盈縮祀事之因革未能悉數已往秩官孰臧孰否頻年經費或汰或增而均未之知也至於人物客星不考其芳蹟懿行名賢著作不付之剗腕流傳洵難免曠官之羞矣予又何敢出此於是進邑之紳士而告之曰連志始自弘治從清鼎旣定以來增輯者至再矣茲遇當事旁求之切仰答皇上圖治之心非生長於斯習聞習見於斯援古證今日究心於斯者不能暢所欲言補所未備今日之匡予不逮者舍諸公其誰也一時紳士同聲相應咸喜瘠土民勞之苦得以上聞誠希世一覲也因

共推庠生李在沐等同董其事載觀舊志各出新裁存信去疑拾遺補闕無微不顯無善不彰凡所得書悉愜衆論志既成咸乞余言披帙閱竟如見分野畫疆之外萬峯繞翠百道流光橋梁通處樵牧旅然祗緣山骨之高以致土膏之薄旣庶難臻旣富爲有心者戚焉惟幸獐貉稍馴野性吾民胥得安其耕鑿矣而任土作貢國用賴之棗盛可供有光祀典嗣是民社之責有歸養廉代耕之祿有出而教養兼至人材蔚起科目之餘儘多秀傑貞烈俱關風化藝文獨擅高華觸目會心已樂而忘疲矣終以雜紀尤得春秋必書災異之意余復安用言哉謹述書以質諸高明云爾時康熙十二年歲在癸丑桂秋知連山縣事文林郎三韓郎廷俊謹撰

### 舊序

志一邑之史也輯往事以昭來茲其間之習尙攸宜土物攸產山川險易戶口盈縮以致文章節義忠孝廉明微猷懿行罔不瞭如指掌以辨貞淫以別淑慝以資補救以示鑒戒其關於政教者益甚重也連處天南之末

蕞爾遐陬在萬山萑蒺中鳥道羊腸另闢一境城市村落廬居井里總其編戶不及大縣一鄉也自余承乏以來值烽烟戒嚴羽書旁午三四年間徵兵措餉民憊益甚竊愧救寧無策賴聖天子神武興師武臣奮力疆場楚粵滇黔漸次奠戢地方無震懼之恐蒼赤有樂生之慶手額更始余亦樂地小民樸政治不煩錢穀簿書無難坐理且民重犯法獄訟不興公庭絕夫鞭撻茂草鞠於園扉誠迂拙疎狂所最宜者雖然余茲懼焉身叨民牧必洞晰斯邑之情今卽一邑中其生齒之爲蕃衍凋敝者若何其習尙之爲淳龐澆僞者若何其土田之荒墾與稼穡之稔凶者若何其賦稅徭役之輕重偏畸者若何其剛柔燥濕桑海迭更者若何於此而綜理考核庶可隨事修補方欲徵文獻於名家訪耆造於巖谷以志一邑之實但自惟固陋才歉三長操觚匪任爰與學博月友梁先生敦請縉紳蔣子嘉賢石子光祖羅子象賢與諸生雷生動虬虞生之璇鄧生廷球黃生上達相與矢公於神開局編輯取舊志稽之惜自先朝絕筆已久國朝則王君祚昌彙集成帙繼而鹿君應瑞曹君振熹郎君廷俊前後意見各出互相砥牾而舊聞芳蹟遺佚亦多余與諸子悉心搜羅芟其繁蔓飭以雅馴縷舉

其曰若建置若秩官若賦稅若風俗若人物事變數千百年如燭照數計彈丸之域宛然家乘後之君子取而觀焉於以述先於以傳後於以補偏救弊其於政教或不無小補云昔康熙二十年歲次辛酉仲春知連山縣事河南張化鳳羽皇甫撰

### 舊序

蓋聞國有史邑有志所以成一代之書而傳其信也孔子因魯史而作春秋猶念及於史之闕文無亦以事屬傳疑寧闕無補乃古人忠厚之意乎甲子春余奉命出宰連山度庾嶺歷凌江過中宿滇陽諸峽皆極幽遐瑰異之觀迨入湟水三十里許有高山陡立中闢門戶則爲連界之雞鳴關自是而風景迥殊萬山盤踞巨石奔騰潺潺澗水更行數十里山腰平處有人烟歷落則爲連山之縣治余憑車四顧見其偏小荒涼不覺爲之感然旣而思天下無不可爲之地如韓文公之任陽山張魏公之蒞連州至今人思不置史書邑乘共載以爲美談余雖不追望前賢然撫綏殘黎振

興學校乃吾輩職分事又安可以連山僻地僅爲一時容拙已耶於是自夏徂秋諸廢漸舉而上臺不棄菲才爰頒寵召分校鄉闈公譙之日承糧憲蔣莘田夫子進而教曰聖天子巡遊河嶽時駕六馭以觀民風今且遍命封疆執事繪畫名山上呈御覽三連山水奇秀其以虎頭之筆意班馬之紀事爲太平天子進余謹唯唯退復私念連山叢巖疊嶂烏可比稱名勝惟連民日與獠獠雜處邊鄙荒陬窮愁萬狀旣不堪爲聖天子繪名山亦當效鄭俠之圖代連民請命迺執掌年餘未遑鉛槧今春復蒙憲檄督修新志余自揣固陋何敢僭踰况熙朝以來若王鹿若曹郎張諸君先後刻有成書余奉諸上臺命從事輯修又何必別出已見故爲異同耶乃與葉戴兩學博集邑中紳士蒐羅近事始於康熙之二十一年從張君修志後也其中戶口之增益有紀萬壽亭之新建巒宮之新修義學之新立各項序記文武官職與科目之續書其名賢孝雜紀之續載其事與夫山川之題咏凡有關於風化者皆採訪補入舊志旣不紛更以紊成迹又不以傳疑增飾少炫見聞應補者補之應闕者闕之亦竊比信史忠厚之意以傳於後代耳若夫連山之土瘠民疲志中已備言之然哀鴻未定頽尾堪